



## Universitätsbibliothek Paderborn

**Georgii Calixti S. Theol. D. Et In Acad. Ivlia Primarii  
Professoris Wiederlegung Der vnchristlichen vnd  
vnbilligen Verleumbdungen/ damit Jhn D. Iacobus VVeller  
ChurSächsischer Oberhoffprediger ...**

**Calixt, Georg**

**Helmstedt**

Constantinopolitani Secvndi Concilii, Oecumenici Qvinti Capitvla.

**urn:nbn:de:hbz:466:1-36653**

diatoris Dei & hominum in duabus substantiis separans, ad impietatis perfidiam cecidisse convincitur; & in quo scripta quoque Theodoriti, per quæ beati Cyrilli fides reprehenditur, ausu dementiae prolatæ refutantur. *Hæc sunt tria capitula, in quibus quia nonnullis non tam de doctrinâ quam de personis agi videbatur, ex hac occasione magnæ in ecclesiâ enatæ sunt turbæ.* Quomodo autem hoc œcumenicum quintum concilium cum Ephesino & Chalcedonensi, quod doctrinam attinet, conveniat, ex capitulis, quæ edidit, cognosci potest.

CONSTANTINOPOLITANI SECUNDI

CONCILII, OECUMENICI

QVINTI  
CAPITVL A.

I. Si quis non confiteretur Patris & Filii & Spiritus sancti unam naturam sive essentiam, & unam virtutem & potestatem, Trinitatem consubstantialem, unam Deitatem in tribus subsistentiis sive personis adorandam, talis anathema sit. Vnus enim Deus & Pater, ex quo omnia; & unus Dominus Iesus Christus, per quem omnia; & unus Spiritus sanctus, in quo omnia.

II. Si quis non confiteretur Dei Verbi duas esse nativitates, unam quidem ante secula ex Patre sine tempore incorporaliter, alteram vero in ultimis diebus ejusdem, qui de cœlis descendens & incarnatus de sanctâ gloriosa Dei genitrice & semper virginе Mariâ, natus est ex ipsâ, talis anathema sit.

III. Si quis dicit alium esse Deum Verbum, qui miracula fecit, & aliud Christum, qui passus est; vel Deum

Verbum cum Christo esse nato de muliere; vel in ipso esse ut alterum in altero; & non unum cumdemque Dominum nostrum Iesum Christum, Dei Verbum incarnatum, & hominem factum; & ejusdem esse tum miraculatum passiones, quas voluntarie carne sustinuit, talis anathema sit.

IV. Si quis dicit, secundum gratiam, vel secundum operationem, vel secundum dignitatem, vel secundum equalitatem honoris, vel secundum auctoritatem, aut relationem, aut affectum, aut virtutem, unionem Dei Verbi ad hominem factam esse, vel secundum bonam voluntatem, quasi quod placuit Deo Verbo homo, & quod bene visum est ei de ipso, sicut Theodorus insaniens dicit; vel secundum homonymiam, per quam Nestoriani Deum Verbum Filium & Christum vocantes, & hominem separatim Christum & Filium nominantes, & duas personas evidenter dicentes, per solam nominationem, & honorem, & dignitatem, & adorationem, unam personam, & unum Filium, & unum Christum configunt dicere: sed non confitentur unitatem Dei Verbi ad carnem animatam animâ rationali & intellectuali, secundum compositionem sive secundum subsistentiam factam esse, sicut sancti patres docuerunt, & ideo unam ejus subsistentiam compositam, ~~et~~ quoniam unus, id est, unam personam ex in duabus naturis, qui est Dominus noster Iesus Christus, unus de sanctâ Trinitate, talis anathema sit.

V. Si quis unam subsistentiam Domini nostri Iesu Christi sic intelligit, tamquam suscipientem multarum subsistentiarum significationem, & per hoc introducere conatur in mysterio Christi duas subsistentias seu duas personas, & duabus introducatis dicit unam personam secun-

secundum dignitatem, & honorem, & adorationem, si-  
cū Theodoretus & Nestorius insanentes scripsérunt;  
& calumniatur sanctam Chalcedonensem synodum,  
tamquam secundum istum impium intellectum unius  
subsistentiæ utentem vocabulo: sed non confitetur Dei  
Verbum carni secundum subsistentiam unitum esse, &  
propter hoc unam ejus subsistentiam seu unam perso-  
nam, & sic etiam sanctum Chalcedonense concilium u-  
nam subsistentiam Domini nostri Iesu Christi confes-  
sum esse, talis anathema sit. Nec enim adjectionem per-  
sonæ vel subsistentiæ suscepit sancta Trinitas ex incarna-  
to uno de sancta Trinitate Deo Verbo.

VI. Si quis abusivè & non verè Dei genitricem dicit  
sanctam gloriosam semper virginem Mariam, vel secun-  
dum relationem, quasi homine puro nato, sed non Deo  
Verbo incarnato & nato ex ipsâ, referendo autem, sicut  
illi dicunt, hominis nativitatem ad Deum Verbum, eò  
quòd cum homine erat nascente: & calumniatur san-  
ctam Chalcedonensem synodum, tamquam secundum  
istum impium intellectum, quem Theodorus exsecran-  
dus ad invenit, Dei genitricem virginem diceret; vel qui  
hominis genitricem vocat aut Christi genitricem, tam-  
quam si Christus Deus non esset, & non propriè & verè  
Dei genitricem ipsam confitetur, eò quòd ipse, qui ante  
secula ex Patre natus est Deus Verbum, in ultimis die-  
bus ex ipsâ incarnatus & natus est, & sic piè sanctum  
quoque Chalcedonense concilium Dei genitricem eam  
esse confessum, talis anathema sit.

VII. Si quis IN DIVERSIS NATVRIS dicens, non *hoc sen-  
su* *vel fine*, quòd in Deitate & humanitate unum Do-  
minum nostrum Iesum Christum cognosci confiterur,  
ut per hoc significet differentiam naturarum, in quibus

incon-

inconfusè ineffabilis unio facta est, neque Deo Verbo  
in carnis naturam transmutato, neque carne in Verbi  
naturam traductâ, (manet enim utrumque hoc quod est  
natura, etiam factâ unitate secundum subsistentiam)  
sed pro divisione per partem (diuīpectū arā μέρη dicunt  
Græci) sive distrahendâ persona ergo talem suscipit & adhibet  
vocem in mysterio Christi; vel numerum naturarum  
confitendo in eodem Domino nostro Iesu Christo, Deo  
Verbo incarnato, intellectu saltem & contemplatione  
differentiam non concipit & accipit earum, ex quibus  
compositus est, non interemtam propter unitatem, (u-  
nus enim ex utraque, & per unum utraque) sed propte-  
re a numero utitur, tamquam seorsim unaquæque natu-  
ra suam haberet subsistentiam, anathema sit.

IIX. Si quis EX DVABVS NATVRIS deitatis & humani-  
tatis confessus unionem factam esse; vel unam naturam  
Dei Verbi incarnatam dicens, non sic ea intelligit, sicut  
Patres docuerunt, quod ex divinâ naturâ & humanâ, u-  
nione secundum subsistentiam factâ, unus Christus ef-  
fectus est, sed ex ejusmodi vocibus unam naturam sive  
substantiam Deitatis & carnis Christi introducere co-  
natur, talis anathema sit. Secundum subsistentiam e-  
nim dicentes unigenitum Deum Verbum carni unitum  
esse, non confusionem aliquam naturarum inter se in-  
vicem factam esse dicimus, sed magis permanente utrâ-  
que hoc quod est, unitum esse carni Deum Verbum in-  
telligimus. Propter quod & unus est Christus, Deus &  
homo, idem ipse consubstantialis Patri secundum dei-  
tatem, & consubstantialis nobis secundum humanita-  
tem. AE qualiter enim & eos qui per partem dividunt,  
vel incidunt, vel separant, & eos qui confundunt divinæ  
Christi œconomiae mysterium, rejicit & anathematizat  
Dei ecclesia.

IX. Si

IX. Si quis in duabus naturis adorari dicit Christum, ut duæ adorationes introducantur, seorsim Deo Verbo, & seorsim homini; aut si quis ad interemtionem carnis vel ad confusionem deitatis & humanitatis, unam naturam sive substantiam eorum, quæ conveneunt, introducens, sic adorat Christum, & non unâ adoratione Deum Verbum incarnatum cum ejus carne adorat, sicut ab initio sanctæ Dei ecclesiæ traditum est, talis anathema sit.

X. Si quis non confitetur Dominum nostrum Iesum Christum, qui crucifixus est carne, Deum esse verum, & Dominum gloriae, & unum de sanctâ Trinitate, talis anathema sit.

XI. Si quis non anathematizat Arium, Eunomium, Macedonium, Apollinarium, Nestorium, Eutychen, Origenem cum impiis eorum scriptis, & alios omnes haereticos, qui condemnati & anathematizati sunt à sanctâ catholicâ & apostolicâ Ecclesiâ, & à prædictis sanctis quatuor Conciliis, & eos qui similia prædictis haereticis sapuerunt vel sapiunt, & usque ad mortem in suâ impietate permanerunt vel permanent, talis anathema sit.

Sequuntur capitula, duodecimum de Theodoro Mopsuesteno; decimum tertium de Theodorei scriptis Cyrillo oppositis; & decimum quartum de Ibæ Edesseni ad Marin Persam epistola. Quæ sunt tria capitula tantopere postea exagitata. Nos ea hic adscribere supersedemus. Priora vero dedimus juxta codices latinos: nam ab his græci in serie & numero aliisq; nonnullis alicubi variant.

D

CON-